

ք. Երևան
մարտի 2024թ.

«30»

«ՔՐՈՈՒ ԸՆԴ ԱՍԱՏՐՅԱՆՍ» սահմանափակ պատասխանատվությամբ ընկերությունը (այսուհետ՝ «Գործընկեր-1»), ի դեմս տնօրեն Ալբերտ Սերգեյի Ասատրյանի, ով գործում է ընկերության կանոնադրության համաձայն, մի կողմից, և «ՊՐՈՖ ԱՌԻԴԻՏ» սահմանափակ պատասխանատվությամբ ընկերությունը (այսուհետ՝ «Գործընկեր-2»), ի դեմս տնօրեն Զարգանգ Ռաֆիկի Խաչատրյանի, ով գործում է ընկերության կանոնադրության համաձայն, մյուս կողմից, երկուսը միասին Կողմեր, հիմք ընդունելով «Գնումների մասին» ՀՀ օրենքի 30-րդ հոդվածի 6-րդ մասը, «ԴԴ-ԷԱՃԾՁԲ-24/02» ծածկագրով էլեկտրոնային աճուրդի հրավերի 2.6-րդ կետը և 4.3-րդ կետի 5-րդ ենթակետը, կնքեցին սույն պայմանագիրը հետևյալի մասին.

1. Պայմանագրի առարկան.

1.1 Սույն պայմանագրով Կողմերը պարտավորվում են միացնել իրենց ավանդները և առանց իրավաբանական անձ կազմավորելու գործել համատեղ՝ շահույթ ստանալու համար, իրականացնելով հետևյալ գործունեությունը, այն է՝ կատարել «ԴԴ-ԷԱՃԾՁԲ-24/02» ծածկագրով գնման ընթացակարգով սահմանված ներքին աուդիտի ծառայությունները պատշաճ ձևով և որակով՝ համաձայն պատվիրատուի պահանջների:

1.2 Կողմերը պարտավորվում են ներդնել հետևյալ ավանդները.

➤ Գործընկեր-1-ը՝ սույն պայմանագրի 1.1 կետով սահմանված ծառայությունների մատուցման համար, որպես ավանդ ներդնում է իր ֆինանսական միջոցները, մասնագիտական փորձառությունը, ադմինիստրատիվ ռեսուրսները, ինչպես նաև կրում է վերջնական պատասխանատվություն մատուցված ծառայության համար:

➤ Գործընկեր-2-ը՝ սույն պայմանագրի 1.1 կետով սահմանված ծառայությունների մատուցման համար, որպես ավանդ ներդնում է իր աշխատանքային ռեսուրսները, տրանսպորտային միջոցները, ինչպես նաև կրում է վերջնական պատասխանատվություն մատուցված ծառայության համար:

1.3 Կողմերի համաձայնությամբ ծառայությունների մատուցման համամասնությունը բաշխվում է հետևյալ կերպ. «ՔՐՈՈՒ ԸՆԴ ԱՍԱՏՐՅԱՆՍ» ՍՊԸ՝ 50%, «ՊՐՈՖ ԱՌԻԴԻՏ» ՍՊԸ՝ 50%: Ուստի ծառայությունների դիմաց հատուցումը նույնպես պետք է բաշխվի վերոնշյալ համամասնությամբ:

2. Ընդհանուր գործերը վարելը և գույքը.

2.1 Սույն պայմանագրով իրականացվող գործունեության ընդհանուր գործերը վարում է Գործընկեր-1-ը, հետևաբար «ԴԴ-ԷԱՃԾՁԲ-24/02» ծածկագրով գնման ընթացակարգի մասնակցության հայտը www.eauction.armeps.am էլեկտրոնային համակարգի միջոցով ներկայացվում է վերջինիս կողմից:

2.2 Երրորդ անձանց հետ հարաբերություններում Գործընկեր-2-ի անունից գործարք կնքելու համար Գործընկեր-1-ի լիազորությունները հավաստվում է սույն պայմանագրի 2.3-րդ կետով:

2.3 Կողմերը համաձայն են, որ սույն մրցույթի շրջանակներում, ցանկացած փաստաթղթերի կազման և ստորագրման, ինչպես նաև այլ անհրաժեշտ տեղեկատվության և փաստաթղթերի ներկայացման պարտականությունները դրվեն Գործընկեր-1-ի վրա:

2.4 Կողմերի համատեղ գործունեության հաշվապահական հաշվառումը վարում է Գործընկեր-1-ը:

2.5 Կողմերն, ընդհանուր գործերին վերաբերող որոշումների ընդունումը, բաշխում են հավասարաչափ:

2.6 Կողմերի ներդրած գույքը, որի նկատմամբ մինչև ներդրումը նրանք ունեին սեփականության իրավունք, ինչպես նաև համատեղ գործունեության արդյունքում արտադրված

արտադրանքը և այդպիսի գործունեությունից ստացված պտուղներն ու եկամուտները համարվում են Գործընկեր-1-ի սեփականությունը:

2.7 Ընդհանուր գույքի պահպանման կապակցությամբ՝ մասնակիցների պարտականությունները և այդ պարտականությունները կատարելու հետ կապված ծախսերի հատուցումը կատարվում է համատեղ գործունեությունում Կողմերի ներդրած ավանդներին համամասնորեն:

2.8 Կողմերի համատեղ գործունեության հետ կապված ծախսերը և վնասները ծածկվում են համամասնությամբ:

3. Շահույթի և բաժնեմասերի ստացման կարգը.

3.1 Կողմերի համատեղ գործունեության արդյունքում ստացված շահույթը բաշխվում է Կողմերի միջև հետևյալ համամասնությամբ՝ Գործընկեր-1-ը 50%, Գործընկեր-2-ը՝ 50%:

3.2 Կողմերն իրավունք ունեն ազատ տնօրինելու ընդհանուր բաժնային սեփականությունում իրենց պատկանող բաժնեմասը՝ մյուս կողմի այդ բաժնեմասը գնելու նախապատվության իրավունքի պահպանման պայմանագրով:

3.3 Ընդհանուր բաժնային սեփականության ներքո գտնվող գույքը կարող է Կողմերի միջև բաժանվել նրանց համաձայնությամբ: Իսկ համաձայնության բացակայության դեպքում առանձնացման կիրառման կարգը որոշվում է գործող օրենսդրությամբ:

4. Պայմանագրի գործունեության ժամկետը և լուծելու կարգը.

4.1. Սույն պայմանագիրը ուժի մեջ է մտնում ստորագրման պահից և գործում է 1 /մեկ/ տարի ժամկետով:

4.2. Սույն պայմանագիրը դադարեցնել ցանկացող կողմը պետք է այդ մասին գրավոր հայտնի մյուս կողմին՝ դուրս գալու օրվանից ոչ ուշ, քան 3 երեք ամիս առաջ:

4.3. Սույն պայմանագիրը կարող է դադարել նաև որպես հետևանք Կողմերից որևէ մեկին՝

➤ անգործունակ, սահմանափակ գործունակ կամ անհայտ բացակայող ճանաչելու,

➤ սնանկ ճանաչելու,

➤ սույն պայմանագրին մասնակցող իրավաբանական անձի լուծարվելու կամ վերակազմակերպվելու դեպքում:

4.4. Սույն պայմանագրի փոփոխումը կամ լուծումը հնարավոր է Կողմերի համաձայնությամբ, որևէ Կողմի պահանջով, դրա հետևանքով մյուս կողմին հասցված վնասը հատուցելու պայմանով:

5. Այլ պայմաններ.

5.1 Սույն պայմանագիրը կնքված է 2 օրինակից, որոնք ունեն հավասարազոր իրավաբանական ուժ: Յուրաքանչյուր Կողմին տրվում է մեկական օրինակ:

5.2 Կողմերի հասցեները և վավերապայմանները՝

Գործընկեր-1

Անվանում՝ «ՔՐՈՈՒ ԸՆԴ ԱՍԱՏՐՅԱՆՍ» ՍՊԸ

ՀՎՀՀ՝ 02618043

Բանկ՝ «Ինեկոբանկ» ՓԲԸ

Հ/Հ՝ 2052022188681001

Հասցե՝ ՀՀ, ք. Երևան, «Դոմ Մոսկվի» բիզնես կենտրոն, Արգիշտի փ. 7, 2-րդ հարկ

Տնօրեն՝ Ա. Ասատրյան

Գործընկեր-2

«ՊՐՈՖ ԱՌԻԴԻՏ» ՍՊԸ

ՀՎՀՀ՝ 08410295

Բանկ՝ «Կոնվերս Բանկ» ՓԲԸ

Հ/Հ՝ 19300785800700

Հասցե՝ ՀՀ, ք. Երևան, Նորք-Մարաշ, 2-րդ փողոց, 1-ին տուն

Տնօրեն՝ Զ. Խաչատրյան

(ստորագրություն)

Կ.Տ

2
(ստորագրություն)
Կ.Տ